



Inatsisartunut ilaasortaq Knud Fleischer,
Kattusseqatigiit

**Inatsisartut suleriesissaanni § 37 naapertorlugu apeqquteqaammut
nr. 131-mut akissuteqaat.**

Asasara Knud,

Inatsisartut suleriesissaanni § 37 innersuullugu Naalakkersuisunut ataani allaqqasut
apeqqutigivatit:

Apeqqu 1:

Kalaallit Danmarkimi ilinniartut aamma ilinniarnermi naammassisimasut aamma
nunatsinnut uterusukkaluartut, kisiannili nunatsinni suliniarlutik qinnuteqartaralutik
iluatsitsisimangittut, pingaartumik nuntsinni kommunimut angerlarsimaffigisimasamin-
nut uterusukkaluartut, angerlarnissaminut akiliunneqarnissamut, pisattat nassiun-
neqarnissaanut allanullu nuunnermi aningaasartuutitut tunngasut pillugit akiliun-
neqarsinnaanermi qanoq sunillu periarfissaqarpat ?

Akissut: Ilinniagaqarnersiutit pillugit Namminersornerullutik Oqartussat nalunaarutaanni
nr. 8., 27. marts 2008-meersumi § 51, imm. 1-imi naggammi siullermi takuneqarsinnaa-
sutut, ilinniagaqarnerup aallartinneranut taamatinneranulluunniit atatillugu illoqarfimmi
ilinniarfiusumi timmisartoqarfimmit, umiarsualivimmit imaluunniit qimuttuitsut unittarfian-
nit qaninnermit Kalaallit Nunaanni aalajangersimasumik angerlarsimaffigisamut kingul-
lermut akiliunneqarluni angalasoqartarpoq. Angalaneq, nalunaarummi § 51, imm. nag-
gat kingulleq naapertorlugu, ilinniarluni taamatinnerup naammassinerulluunniit kingor-
na ukioq ataaseq qaangiutsinnagu pissaaq. Saniatigut nalunaarummi pineqartumi § 52,
imm. 1-3 aamma 5 naapertorlugit meeqqat akiliunneqarsinnaapput aalajangersakkami
piumasaqaatit eqquutinneqarpata. § 52, imm. 4 naapertorlugu aammattaaq ilinniartup
aappaa akiliunneqartarpoq, meeqqat akiliunneqarnissaat akuerisaatillugu.

Ilinniartut aappaannut tunngatillugu pisattanik angalassinermut, nalunaarummi §§ 60-62
naapertorlugit, piumasaqaatillu aalajangersakkamiittut piviusunngortinneqarsimatillugit,
tapiisoqarsinnaavoq, containerinut ilumikkut 6 m³-itut initsussilinnut imaluunniit nassi-
ussanut 6 m³-itut initsussilinnut, nassiussat akilerneqartut ataasiakkaat 100.000 kr na-
linginut sillimaserteri ilanngullugit. Aappariit marluullutik qaammatit 24-t sinnerlugit ilin-
niagaqarsimappata, containerit marluk imaluunniit nassiussat katillugit 12 m³-inik initsus-
sillit nassiunnerinut akiliunneqartarput. Ilinniartut pingasunik amerlanernilluunniit me-

31. maj 2012
Sagsnr. 2012-066837
Dok. Nr. 922776

Postboks 1029
3900 Nuuk
Tlf: +299 34 50 00
Fax: +299 32 20 73
Email: lin@nanoq.gl
www.nanoq.gl

erallit containerit marluk imaluunniit nassiussat katillugit 12 m³-inik initussusillit nassiunerinut akiliunneqarsinnaapput.

§ 63 naapertorlugu pisattanik nassiussinermut akiliussisoqartanngilaq, ilinniartuq ilinniakkaminik naammassiniutaa atorfinippat, sulisitsisumillu akilerneqartumik pisatai angallanneqarsinnaappata.

Apeqqu 2:

Aamma kalaallit Danmarkimi najungaqalersimasut, kisianni Danmarkimi suliffissaqannginneq pissutigalugu nunatsinnut uterusuttut aamma nunatsinni suliffissarsiorusuttut qanoq sunillu periarfissaqarpat?

Akissut: Kalaallit Danmarkimi najugallit suliffissaaleqisut uternissaannut tapiinissaq periarfissaqanngilaq. Aningaasanut inatsimmi "Nuttarnerulersitsiniarluni aningaasaliissutit" taamaallaat Nunatsinni atuupput.

Kalaallit Danmarkimiitillutik suliffissaaruttut kommunimit najugaqarfimminnit ikiorserneqartarput. Nunatsinni suliniarlutik uterusukkunik suliffissarsiortut allat assigalugit inuttassarsiuussinerit qisuariarfigisariaqarpaat.

Naak ullumikkut kommunit suliffissarsiuussisarfiini nivinngakkanut malinnaasinnaanngikkaluarlutik, qarasaasiat aviisitigullu inuttassarsiuussinerit aqutigalugit malinnaasinnaapput.

Apeequ 3:

Kiisalu kalaalpassuit Danmarkimi ilinniarsimasut, kisianni inissaqarniarnikkut, meeqqeriveqarnikkullu ajornartorsiutit pillugit ajorluartumik Danmarkimi uninngaanartartut, qanoq ilillugit taakku nunatsinnut utersinnaanerisa pilerinarsarneqarsinnaanerit pillugu Naalakkersuisut pilersaaruteqarpaat?

Akissut: Ilumoorpoq ilinniartut Danmarkimiittut pillugit nalunaarusiatigut ilaatigut oqariartuutigineqarmat inissaqarnissaq meeqqallu paarineqarsinnaanissaat ilinniakkaminik naammassisut utertinissaminnut pingaartikkaat.

Naalackersuisut meeqqanut inuusuttunullu, ilinniartitsinermit inissaqarniarnermullu periusissiaat assigiinngitsut, kiisalu Akileraartarnermut Atugarissaarnermullu Ataatsimiititaliap inassuteqaataat tamanik illussaqaartitsinissaq meeqqeerivinnilu inissaqaartitsinissaq qularnaarumallugu ungasinnerusq eqqarsaatigalugu anguniagaqarput. Ulluunerani neqeroorutinut utaqqisoqaartillugu tulleriaarnermi meeqqat angajoqqaavi tamarmik suliut salluutinneqartartunut ilaapput.

Inussiarnersumik inuulluaqqusilluta
Med venlig hilsen



Palle Christiansen